



অবিলম্বে প্রকাশের উদ্দেশ্যে: 11/12/2021

গভর্নর ক্যাথি হোকল

গভর্নর হোকল বিপদে পড়া ভাড়াটিয়াদের বিনামূল্যে আইনি সহায়তা প্রদানের জন্য 25 মিলিয়ন মার্কিন ডলার ঘোষণা করেছেন

ফেডারেল অর্থায়ন যেসব এলাকায় বিনামূল্যে আইনি সেবা সীমাবদ্ধ সেখানে উচ্ছেদ হতে যাওয়া নিম্ন-আয়ের ভাড়াটিয়াদের আইনি সহায়তা প্রদান করবে

নিউ ইয়র্ক সিটির বাইরে 57টি কাউন্টিতে ভাড়াটিয়াদের জন্য সরকারিভাবে অর্থায়িত, বিনামূল্যে আইনি সেবা পাওয়ার সুযোগ বৃদ্ধি

স্টেটের বেশির ভাগ এলাকাতে ইমার্জেন্সি রেন্টাল অ্যাসিস্টেন্স প্রোগ্রামের জন্য নতুন আবেদন শনিবার রাতে বন্ধ করা হবে

গভর্নর ক্যাথি হোকল আজকে ঘোষণা করেছেন যে নিউ ইয়র্ক সিটির বাইরে স্টেটের যেসব এলাকায় ভাড়াটিয়াদের প্রয়োজন মেটানোর জন্য বিনামূল্যে আইনি সহায়তার সুযোগ নেই সেখানকার নিম্ন-আয়ের উচ্ছেদ হতে যাওয়া ভাড়াটিয়াদের বিনামূল্যে আইনি সহায়তা প্রদান করতে 25 মিলিয়ন মার্কিন ডলার ফেডারেল তহবিল ব্যবহৃত হবে। আইনি সহায়তার উদ্দেশ্য হল ভাড়া-সংক্রান্ত দ্বন্দ্ব মেটানোর ব্যাপারে ভাড়াটিয়া ও বাড়িওয়ালার উভয়কে সহযোগিতা করা এবং ভাড়াটিয়াদের আবাসন স্থিতিশীলতা বজায় রাখা। কারণ এই তহবিলের অর্থ পাবে তা সোমবার ঘোষণা করা হবে।

"মহামারী আমাদের দেখিয়ে দিয়েছে যে প্রত্যেক নিউ ইয়র্কবাসীর স্থিতিশীল আবাস প্রাপ্য," **গভর্নর হোকল বলেন।** "অতি জরুরি এই অর্থায়ন বিপদে পড়া ভাড়াটিয়াদের বিনামূল্যে নির্ভরযোগ্য আইনি সহায়তা পাওয়ার সুযোগ করে দিবে যা দ্বারা তারা তাদের বাড়িওয়ালার সাথে সমাধানে পৌঁছাতে এবং উচ্ছেদ প্রক্রিয়ার সম্ভাবনা এড়াতে পারবে। ইমার্জেন্সি রেন্টাল অ্যাসিস্টেন্স প্রোগ্রাম (Emergency Rental Assistance Program, ERAP) যাতে ভাড়াটিয়াদের ত্রাণ প্রদান করতে পারে সেজন্য আমরা অতিরিক্ত ফেডারেল অর্থায়নের জন্য চাপ প্রদান করবো।"

এর আগে আজকে গভর্নর হোকল ঘোষণা করেছেন যে নিউ ইয়র্ক স্টেট আনুষ্ঠানিকভাবে ইমার্জেন্সি রেন্টাল অ্যাসিস্টেন্স প্রোগ্রামের জন্য মার্কিন ডিপার্টমেন্ট অফ ট্রেজারি (Department of Treasury) থেকে 996 মিলিয়ন মার্কিন ডলার অতিরিক্ত ফেডারেল অর্থায়নের অনুরোধ করেছে। এসব তহবিলের অনুরোধ আগামী চার মাসের অনুমিত প্রয়োজন, যা

ইতিমধ্যে করা আবেদন অনুযায়ী অনুমান করা হয়েছে, মেটাবে, এবং সেই সাথে সরকারি ভর্তুকির আবাসনে বসবাসরত ভাড়াটিয়াদের অনুমিত প্রয়োজনের একাংশ মেটাবে।

সম্প্রতি নিউ ইয়র্ক স্টেট কর্তৃক বাড়িওয়ালাদের সরাসরি প্রদত্ত অর্থ 1 বিলিয়ন মার্কিন ডলার অতিক্রম করেছে এবং বর্তমানে, প্রথম আবেদন গ্রহণ শুরু করার ছয় মাসের কম সময়ের মধ্যেই, স্টেট 2.4 বিলিয়ন মার্কিন ডলার তহবিল প্রদানের জন্য সম্পূর্ণরূপে বাধ্য। আবেদন গ্রহণ করা হবে 14 নভেম্বর, রবিবার, রাত 10টা পর্যন্ত। তখন থেকে নিম্নোক্ত এলাকা ব্যতীত নতুন আবেদন গ্রহণ বন্ধ হবে, যেখানে বরাদ্দ শেষ হয়নি এবং যেখানে ভাড়াটিয়াদের আবেদন করতে উৎসাহিত করা হচ্ছে: ডাচেস কাউন্টি, নাসাউ কাউন্টি (হেম্পস্টিড বা ওয়েস্টার বে টাউন বাদে), ন্যায়াগ্রা কাউন্টি, ওনিডা কাউন্টি, সারাটোগা কাউন্টি, সাফোক কাউন্টি (ব্রুকহেভেন বা আইস্লিপ কাউন্টি বাদে), ওয়েস্টচেস্টার কাউন্টি (ইয়োঙ্কার্স কাউন্টি বাদে)।

আইনের অংশ হিসেবে, 25 মিলিয়ন ফেডারেল অর্থায়ন পৃথক করে রাখা হয়েছে উচ্ছেদ প্রক্রিয়ার সম্মুখীন ভাড়াটিয়াদের আইনি সেবা প্রদান এবং তাদের আবাসন স্থিতিশীলতা বজায় রাখতে সাহায্য করার জন্য, স্টেটের সেইসব এলাকায় যেখানে এমন সেবার জন্য বিনামূল্যে আইনি সহায়তা সহজলভ্য নয়। নিউ ইয়র্ক সিটির বাসিন্দাদের জন্য আগে থেকেই উচ্ছেদ এড়ানোর জন্য হাউজিং কোর্টে বিনামূল্যে আইনি প্রতিনিধি পাওয়ার সুযোগ রয়েছে।

আইনি সহায়তা অনুদান পরিচালনাকারী স্টেট অফিস অফ টেম্পোরারি অ্যান্ড ডিজ্যাবিলিটি অ্যাসিস্টেন্সের (Office of Temporary and Disability Assistance) নির্বাহী ডেপুটি কমিশনার বারবারা সি. গুইন বলেন, "যখন স্টেটব্যাপী বাসিন্দারা মহামারীর কারণে জমে যাওয়া বকেয়া ভাড়া পরিশোধ করতে সংগ্রাম করছে, তখন ভাড়াটিয়াদের জন্য আইনি সহায়তার উপলভ্যতা বৃদ্ধি করা আবাসন সঙ্কট এড়াতে নিউ ইয়র্ককে সাহায্য করার জন্য অত্যাবশ্যকীয়। এই সহায়তা ব্যক্তি ও পরিবারদের স্থিতিশীল আবাসন ধরে রাখতে সাহায্য করার জন্য তাদের বাড়িওয়ালাদের সাথে কাজ করতে সাহায্য করবে। আমি ভাড়াটিয়া ও বাড়িওয়ালার মধ্যকার দ্বন্দ্ব মেটাতে এবং উচ্ছেদ এড়াতে পদক্ষেপ নেওয়ার জন্য গভর্নর হোকলের প্রশংসা করছি।"

রিপ্রেজেন্টেটিভ জামাল বোম্যান বলেন, "এই বছর আমরা ভাড়াটিয়াদের উচ্ছেদ হওয়া থেকে রক্ষা করতে কঠিন লড়াই করেছি যার মধ্যে রয়েছে একটি ফেডারেল উচ্ছেদ স্থগিতাদেশের আহ্বান। আমি কৃতজ্ঞ যে ফেডারেল স্থগিতাদেশ শেষ হওয়ার সাথে সাথে গভর্নর হোকল নিউ ইয়র্ক স্টেটের জন্য একটি উচ্ছেদ স্থগিতাদেশ স্বাক্ষর করেছেন যা মহামারী চলাকালীন ভাড়াটিয়াদের রক্ষার বাস্তব প্রয়োজনের ইঙ্গিত প্রদান করে। আমি ভাড়াটিয়াদের জন্য আইনি সহায়তাকে সম্পূর্ণভাবে সমর্থন করি, যা ওয়েস্টচেস্টার ও ব্রঙ্কসে আমার নাগরিকদের জন্য জীবন রক্ষাকারী হবে। যেহেতু আমরা আবাসন অনিরাপত্তার সমাধান খোঁজার চেষ্টা করছি, তাই আমাদের মানুষকে সহায়তা ও সমর্থন করার জন্য সকল সামাজিক নিরাপত্তার ব্যবস্থা করতে হবে।"

স্টেট সিনেটর লিজ ক্রুগার বলেন, "যখন কোভিড-19 মহামারীর তীব্রতা চলছেই, তখন অনেক বেশি নিউ ইয়র্কবাসীর জন্য উচ্ছেদের হুমকি বেড়ে যাচ্ছে। গভর্নর হোকলের

সফল ERAP প্রোগ্রাম পরিচালনার ফলে, নিউ ইয়র্ক স্টেট নিউ ইয়র্কবাসীকে নিজেদের বাড়িতে থাকতে দেওয়ার জন্য বাড়িওয়ালাদের হাতে অর্থ পৌঁছে দেওয়ার ক্ষেত্রে শীর্ষে আছে। কিন্তু সত্য হল, প্রয়োজন মেটানোর জন্য এটি যথেষ্ট অর্থ নয়। নিউ ইয়র্ক ভাড়াটিয়া পরিবারের হার দেশে সর্বোচ্চ, এবং তার অধিকাংশ নিউ ইয়র্ক সিটিতে। আমি ওয়াশিংটন থেকে অতিরিক্ত তহবিলের অনুরোধ করার জন্য, তহবিল যা নিউ ইয়র্কবাসীর প্রয়োজন ও প্রাপ্য, এবং নিউ ইয়র্ক সিটির বাইরে নিম্ন-আয়ের ভাড়াটিয়াদের যাতে অতি প্রয়োজনীয় আইনি সহায়তা পাওয়ার সুযোগ থাকে তা নিশ্চিত করার জন্য গভর্নরের প্রশংসা করছি।"

স্টেট সিনেটর রোক্ল্যান জে. পারসাইড বলেন, "নিউ ইয়র্ক স্টেটব্যাপী, ভাড়াটিয়া ও বাড়িওয়ালারা মহামারীর অর্থনৈতিক পতনের ফলে সমস্যার সম্মুখীন হচ্ছে। ফেডারেল ERAP তহবিল যখন প্রায় শেষ, তখন আজকের স্টেটব্যাপী বিনামূল্যে আইনি সেবার জন্য 25 মিলিয়ন মার্কিন ডলারের ঘোষণা শীতকাল সামনে রেখে উচ্ছেদ ও কাঠিন্যের সম্মুখীন মানুষের সাহায্য করার জন্য দৃঢ় অঙ্গীকার প্রদর্শন করে। আমি গভর্নর হোকল ও আমাদের নির্বাচিত সহকর্মীদের সাথে যোগ দিয়ে নিউ ইয়র্কের ভাড়াটিয়া ও বাড়িওয়ালাদের সাহায্য করার জন্য অতিরিক্ত ERAP তহবিলের আবেদন করতে থাকবো।"

অ্যাসেম্বলিমেম্বার লাটয়া জয়নার বলেন, "ভাড়াটিয়ারা উচ্ছেদ প্রক্রিয়ার সম্মুখীন হতে পারে যা তাদের আবাস, চাকরি, তাদের মানসম্পন্ন শিক্ষালাভের সুযোগ এবং তাদের মানসিক ও শারীরিক সুস্থতা কেড়ে নিতে পারে। উচ্ছেদের সম্মুখীন পরিবারের জন্য আইনি পরামর্শ নেওয়ার সুযোগ থাকা অত্যন্ত গুরুত্বপূর্ণ এবং এটি সকল নিউ ইয়র্কবাসীর জন্য অর্থনৈতিক ন্যায়বিচার সম্প্রসারণ করার ক্ষেত্রে একটি দারুণ বিনিয়োগ। এই উদ্যোগ সমর্থন করার জন্য আমি গভর্নর হোকলকে ধন্যবাদ জানাচ্ছি।"

কাউন্টি নির্বাহী লরা কিউরান বলেন, "কোভিড-19 মহামারী ভাড়াটিয়া ও বাড়িওয়ালাদের একটি কঠিন সমস্যায় ফেলেছে, এবং আমি স্থানীয় সরকারগুলির সাথে কাজ করে অতি প্রয়োজনীয় এই ত্রাণ কার্যকরভাবে প্রদান করার জন্য গভর্নর হোকলকে ধন্যবাদ জানাই। অতিরিক্ত ERAP সহায়তা প্রদান ও এটি পাওয়ার সুযোগ বৃদ্ধির মাধ্যমে, আমরা মহামারীর আর্থিক ভার ও অনিশ্চয়তায় ভুগতে থাকা মানুষদের দিকে সাহায্যের হাত বাড়িয়ে দিতে পারি।"

বাফেলোর মেয়র বায়রন ব্রাউন বলেন, "বাফেলোর বাসিন্দা, যারা এখনো মহামারীর ফলস্বরূপ আবাসন অনিরাপত্তায় ভুগছে, তাদের অব্যাহত তহবিল প্রদান করার জন্য আমি গভর্নর হোকলকে ধন্যবাদ জানাতে চাই। শীতকালকে সামনে রেখে প্রদত্ত এই 25 মিলিয়ন মার্কিন ডলার বাসিন্দাদের অবৈধ ও অন্যায্যভাবে তাদের বাসা থেকে অপসারণ করা থেকে রক্ষা করবে। এছাড়াও আমি মানুষকে তাদের বাসায় টিকিয়ে রাখার জন্য ফেডারেল সরকার থেকে অতিরিক্ত তহবিল পাওয়ার প্রয়োজনীয়তার গুরুত্ব চিহ্নিত করতে চাই। আমাদের অঞ্চল এখনো মহামারীর আর্থিক পতন থেকে সম্পূর্ণ পুনরুদ্ধার করতে পারেনি এবং অনেক বাসিন্দাদের পুনরায় স্বাবলম্বী হওয়ার আগ পর্যন্ত ভাড়া সহায়তা প্রয়োজন হবে। অতিরিক্ত অর্থায়ন বাফেলোতে আমাদের

এলাকাগুলির মর্যাদা ধরে রাখতে এবং পুনরুদ্ধার সঠিক পথে সচল রাখার জন্য, যার বিস্তার করার জন্য গভর্নর হোকল সাহায্য করেছেন, অতি প্রয়োজনীয়।"

অ্যালবানির মেয়র ক্যাথি শিহান বলেন, "যখন নিউ ইয়র্ক ফেডারেল সরকার থেকে অতিরিক্ত অর্থায়ন পাওয়ার অপেক্ষা করছে, তখন ভাড়াটিয়াদের উচ্ছেদ এড়াতে সাহায্য করার জন্য বিনামূল্যে আইনি সহায়তা ও আবাসন স্থিতিশীল সেবা প্রদান করার জন্য অর্থায়নের মতো সার্বিক প্রচেষ্টাই আমাদের প্রয়োজন। আমি অর্থায়ন প্রদান করার জন্য গভর্নর ক্যাথি হোকলের প্রশংসা করছি এবং তার সাথে যোগ দিয়ে ইমার্জেন্সি রেন্টাল অ্যাসিস্টেন্স প্রোগ্রামের জন্য আরো অর্থায়নের জন্য আহ্বান করছি।"

সিরাকিউসের মেয়র বেন ওয়ালশ বলেন, "গভর্নর হোকল নিউ ইয়র্ক সিটির বাইরের এলাকায় যে অতিরিক্ত ফেডারেল অর্থ প্রদান করছেন তাতে বাড়িওয়ালা ও ভাড়াটিয়া উভয়ে লাভবান হবে। উচ্ছেদের ঝুঁকিতে থাকা উপযুক্ত ভাড়াটিয়াদের জন্য বিনামূল্যে আইনি সহায়তা সম্ভাব্য সঙ্কট এড়াতে সাহায্য করবে। যখন উচ্ছেদ স্থগিতাদেশ শেষ হবে, তখন জমির মালিক ও ভাড়াটিয়াদের সহায়তা করার জন্য আমাদের সম্প্রদায় অংশীদারদের কাজ জোরদার করতে আমাদেরকে উপলভ্য সকল উপায় ব্যবহার করতে হবে।"

প্ল্যাটসবার্গের মেয়র ক্রিস রোজেনকোয়েস্ট বলেন, "আমাদের সম্প্রদায়ের 60 শতাংশের বেশি মানুষ ভাড়াটিয়া এবং বেশির ভাগ সময় তাদের ভর্তুকি প্রয়োজন হয়। যদিও আমরা কিছু মহামারী-পরবর্তী অর্থনৈতিক পুনরুদ্ধার দেখছি, তার পরেও আমাদের নিম্ন-আয়ের ভাড়াটিয়া ও বাসিন্দাদের জন্য যত বেশি সমর্থন লাভের সুযোগ থাকবে সংশ্লিষ্ট সকলের জন্য ততই মঙ্গল। বাসিন্দাদের তাদের বর্তমান আবাসন পরিস্থিতিতে টিকিয়ে রাখা নিঃসন্দেহে আবাসিক ও কাজের বাজারকে স্থিতিশীল রাখবে। প্রোগ্রামগুলি নিশ্চিত করবে যে বাড়িওয়ালাদের নিয়মিত দীর্ঘমেয়াদী ভাড়াটিয়া পাওয়ার নিয়মিত সুযোগ থাকবে।"

ইউটিকার মেয়র রব পালমিয়েরি বলেন, "কোভিড-19 এর প্রভাব অনেক ব্যক্তির জন্য বিধ্বংসী ছিল, এবং যেসব ভাড়াটিয়া মহামারী সম্পর্কিত আর্থিক সমস্যার সম্মুখীন হয়েছে তাদের বিনামূল্যে আইনি সহায়তা পাওয়া উচিত। অর্থায়নটি নিশ্চিত করবে যে উপযুক্ত ভাড়াটিয়া যথাযথ ও পর্যাপ্ত আইনি সুরক্ষা ও প্রতিনিধিত্ব পাবে। আমি গুরুত্বপূর্ণ এই উদ্যোগের জন প্রয়োজনীয় অর্থ বরাদ্দ করার জন্য গভর্নর হোকলের প্রশংসা করছি।"

[ন্যাশনাল লো ইনকাম হাউজিং কোয়ালিশন \(National Low Income Housing Coalition\)](#), যারা স্টেটভিত্তিক ERAP বাস্তবায়নের হিসাব রাখে, অনুযায়ী নিউ ইয়র্ক পরিশোধিত অর্থ বা পরিশোধ করতে বাধ্য উভয় ক্ষেত্রে শীর্ষে রয়েছে।

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418